

**Uunga siunnersuut: Nunami inuussutissarsiutinut tunngatillugu  
inuussutissarsiornermik siuarsaaneq pillugu Inatsisartut inatsisaat nr. xx af xx 2012-  
imeersoq**

(Inuussutissarsiornermut Aatsitassanullu Naalakkersuisoq)

**pillugu**

**Inuussutissarsionermut Ataatsimiititaliap**

**ISUMALIUTISSIISSUTAA**

**Siunnersuutip aappassaaneerpeqarnerani saqqummiunneqartoq**

Inuussutissarsiornermut Ataatsimiititaliaq kingullermik suliarinninnermini makkunanga  
inuttaqarpoq:

Inatsisartunut ilaasortaq Naaja Nathanielsen, Inuit Ataqtigiit, siulittaasoq

Inatsisartunut ilaasortaq Andreas Uldum, Demokratit, siulittaasup tullia

Inatsisartunut ilaasortaq Kim Kielsen, Siumut

Inatsisartunut ilaasortaq Siverth K. Heilmann, Atassut, Kim Kielsenimut sinniisoq

Inatsisartunut ilaasortaq Akitsinnguaq Olsen, Siumut

Inatsisartunut ilaasortaq Karl Lyberth, Siumut

Inatsisartunut ilaasortaq Knud Fleischer, Kattusseqatigiit Partiiat

Inatsisartunut ilaasortaq Aqqaluaq B. Egede, Inuit Ataqtigiit

Siunnersuutip UKA/2012-imi siullermeerneqarluni suliarineqarnerata kingorna siunnersuut  
ataatsimiititaliap misissorpaa matumuunalu Inatsisartuni suliarineqarnissaanut isummersuutini  
nalilersuinilu saqqummiullugit. Ataatsimiititaliap maluginiarppaa, siunnersuutip  
siullermeerneqarnerani siunnersuutip piviusunngortinneqarnissaa nalinginnaasumik  
tapersernartinneqartoq.

**1. Siunnersuutip imarisaa siunertaalu**

Tunngaviatigit siunnersuutip siunertarisaa pingasoqiusaavoq: Suliassaqaarfimmut inatsisip  
atuuttooreersup nutarsarnissaa naleqqussarnissaalu siunertarineqarluni. Tulliullugu  
inuussutissarsiutitigit tapiissuteqartarnernut tunngasutigit allaffissornikkut sullissinerup  
pisariinnerulersinnissaa siunnersummi anguniarneqarpoq. Kingullertullu nunami

inuussutissarsiutit takornariaqarnerullu siusinnerusukkut immikkoortinneqartarneri inatsisissatut siunnersuutikkut atorunnaarsinneqassaaq. Inuussutissarsiornikkut suliniutinut aningaasarsiornikkut imminut napatissinnaasunut ineriartortunullu qanoq innikkut tapiiffigineqarsinnaanermut, piumasaaqatigineqartut sinaakkusiussallu inatsisissatut siunnersuummi allaaserineqarput.

## 2. Tusarniaanermi akissutigineqartut

Tusarniaavigineqartuniit akissutisarineqartut ilaat tigulaariffigalugit, naatsumik Inuussutissarsiornermut Ataatsimiititaliap tulliuttuni oqaaseqarfigissavai. Inatsisissatut siunnersuut soqutigisaqaatigiinnut makkuusunut tusarniutigineqarpoq:

Siunnersuut piffissami 25.06-27.07 Namminersorlutik Oqartussat tusarniaatitsinermi nittartagaatigut tamanut saqqummiunneqarnikuuvoq, Ukunungalu toqqaannartumik nassiuussuunneqarluni: Greenland Venture, Visit Greenland, Greenland Business, KANUKOKA, Kommunini Inuussutissarsiornikkut ingerlatsiviit, Qeqqata Kommuniani Inuussutissarsiornermut Siunnersuisoqatigiit, Sermersuup Kommuniani Inuussutissarsiornermut Siunnersuisoqatigiit, GA, SIK, NUSUKA, GrønlandsBanken, Bank Nordik, Kalaallit Nunaata Sinniisoqarfia, Siulittaasup Naalackersuisoqarfia (Ingerlatseqatigiiffinnut Allattoqarfik) Aningaasaqarnermullu Naalackersuisoqarfik.

Tusarniaanermi akissutit makkunanga tiguneqarput: Sisimiut Vandrehjem, Kalaallit Nunaanni Politimesteri, Greenland Business A/S, GrønlandsBanken, Kalaallit Nunaanni Sulisitsisut Kattuffiat, Unammilleqatigiinnermut Nakkutilliisoqarfik, Kommune Kujalleq kiisalu SIK.

Aallarniutigalugu ataatsimiititaliap oqaatigissavaa Kommune Kujalleq akissutimini ilaatigut imatut allassimammat:

*”Aallarniutigalugu uparuaatigerusupparput tusarniaaneq tusarniaanermut akissuteqarnissaq juli-mut killilerlu ingerlanneqarmat naleqqutinngilluinnartutut isigigatsigu, tassami julimi qinikkat sulinnigifeqaleruttortarmata.”*

### Inuussutissarsiornermut Ataatsimiititaliap oqaaseqatigisai

Tassunga atatillugu tusarniaavigineqartut sapinngisamik naammaginnartumik piffissalerneqartarnissaasa eqqarsaatigineqartarnissaat Inuussutissarsiornermut Ataatsimiititaliap Naalackersuisunut kaammattuutigissavaa.

### GrønlandsBANKEN:

*”Inatsissatut siunnersuummi eqqarsaatigineqanngilaq suliffeqarfiit*

*ilaannakortumik Namminersorlutik Oqatussanik piginneqataaffigineqartut tamakkiisunik namminersortut assigalugit tapiissutinik pissarsisinnaassanersut."*

*aamma*

*" GrønlandsBANKEN-ip unammilleqattugiinnermik innarliinissaq pinaveersaarniarlugu tunngaviusumik periuseqarneq eqqarsaatigalugu naalagaaffimmit tapiissutit Kalaallit-nunaanni sumiiffinnut agguataarnissat eqqarsaatigineqartariaqarsoraa, tassa "sumiiffinni ineriartortitsinissamut tapiissutinik" pisariaqartitsivissut eqqarsaatigalugit."*

#### Inuussutissarsiornermut Ataatsimiititaliap oqaaseqaatigisai

Tamatumunnga atatillugu Inuussutissarsiornermut Ataatsimiititaliap maluginiarpaa inatsisissatut siunnersuummi suliffeqarfiit ilaannakortumik Namminersorlutik Oqatussanik pigineqartut, suliffeqarfiit tamakkiisumik namminersortut assigalugit tapiiffigineqarsinnaanerisa periarfissaat Naalakkersuisunit mattunniarneqanngitsoq. Inatsisissatummi siunnersuutip § 7-ni allassimammat, suliffeqarfinnut tapiissuteqartoqarsinnaasoq pisortat piginneqataassutaat tamarmiusut annerpaamik 49%-inik annertussuseqarpata.

GrønlandsBANKEP inatsisissatut siunnersuummi unammilleqatigiinnermik kipusoortitsisinnaanernut tunngatillugu nalinginnaasumik isummersuutigisaanut tunngatillugu, ataatsimiititaliaq isumaqanngilaq, inatsisissatut siunnersuut unammilleqatigiinnermik kipusoortitsinissamik siunertaqartoq, inatsisissatummi siunnersuummi Naalakkersuisut erseqqilluinnartumik oqaatigimmassuk suliffeqarfiit nalinginnaasumik ingerlatsinerannut (tapiissutinik) tunniussisoqartannginnissaa siunertaasoq.

Ataatsimiititaliap paasinninnera unaavoq, tassalu inatsisissatut siunnersuummi suliffeqarfinnut mikinerusunut inuussutissarsiornikkullu inerisaanermik suliniutinut sinaakkusiussat naammaginartumik suliffeqarfittut aningaasaqarnikkullu ineriartornissamut inerisaanissamullu sinaakkusersornissaat siunertaasoq. Tamatumunnga atatillugu oqaatigineqassaaq, ullutsinni maannakkut aningaasarliorneq isiginiarlugu aningaasaliisartut tunngaanniit inuussutissarsiuutinut aningaasanik annaasaqaataasinnaasunik taarsigassarsisitsisarneq tunuarsimaarfigineqarmat.<sup>1</sup> Pingaartumik suliffeqarfiit mikisut akunnattumillu angissusillit, taarsigassarsisitsisarnermi eqqugaapput.

#### Kalaallit Nunaanni Sulisitsisut Kattuffiat (GA):

*" GA paasinninnera naapertorlugu (siunnersuummut) sinaakkutassatut aalajangersakkat eqqartuussissuserinermik nalornilersitsipput. Taamaattumillu GA-p kaammattuutigerusuppaa aalajangersakkat annertunerujussuarmik erseqqissaavigineqartariaqartut immaqa nalunaarummut siunnersuut ilaatillugu."*

<sup>1</sup> <http://www.ivaerksaetteren.dk/flx/artikler/7/er-fremtiden-lys-for-danske-ivaerksaettere-1007/>

### Inuussutissarsiornermut Ataatsimiititaliap oqaaseqaatigisai

Ataatsimiititaliap maluginiarpaa, siunnersuutip nalinginnaasumik nassuiaatitaani Naalakkersuisut oqaatigimmassuk, inatsisip killiliussatut aalajangersagartai nalunaarutininik assigiinngitsunik ilaqartinnissaat Naalakkersuisut siunniussimagaat. Inuussutissarsiornermut Ataatsimiititaliap tamanna naammaginartutut isigaa. Taamaattorli Kalaallit Nunaanni Sulisitsisut Kattuffiata inatsimmut sinaakkusiassat suliarineqarnerinut atatillugu tunngaviusumik ajornartorsiutaasoq uparuaavigaa. Naatsorsuutigineqarmat, inatsimmi pisussaaffiliinerit imarisaasa suunerini tusarniaavigineqartunut ersarinnerullutillu paasinernerulissasut, nalunaarutissatut missingiusiaq tusarniaatitsinermut ilanngunneqartalertuuppat. Tunngaviusumik ajornartorsiutaasup tamatuma eqqarsaasersuutigineqarnissaa ataatsimiititaliap Naalakkersuisunut kaammattuutigerusuppa.

### **2.1 Tusarniaatitsinermi akissutigineqartunut naggasiutigalugu oqaaseqaatigineqartut**

Inuussutissarsiornermut Ataatsimiititaliap oqaatigissavaa, tusarniaavigineqartut arlallit akissuteqarsimangitsut ilaatigut makkuusut:

Greenland Venture, Visit Greenland, KANUKOKA, Kommunini Inuussutissarsiornermik ingerlatsiviit, Qeqqata Kommuniani Inuussutissarsiornermik Siunnersuisoqatigiit, Sermersuup Kommuniani Inuussutissarsiornermik Siunnersuisoqatigiit, NUSUKA, Bank Nordik, Kalaallit Nunaata Sinniisoqarfia, Siulittaasup Naalakkersuisoqarfia (Ingerlatseqatigiiffinnut Allattoqarfik) Aningaasaqarnermullu Naalakkersuisoqarfik.

Taamaattumik Inuussutissarsiornermut Ataatsimiititaliap tamatumuuna paasinninnera unaavoq, tassalu inatsisissatut siunnersuutip imarisaa oqaaseqaateqarnissamut pissutissaqartitsilersimangitsoq imaluunniit qulaani tusarniaavigineqartunut soqutiginarpallaarsimanani attuumassuteqarsimananiluunniit. Tamanna Inuussutissarsiornermut Ataatsimiititaliamit tusaatissatut tiguneqarpoq. Matumuuna Inuussutissarsiornermut Ataatsimiititaliaq tusarniaanermut allanik oqaaseqaatissaqanngilaq.

### **3. Inatsisissatut siunnersuutip teknikkikkut ilusilersugaanera**

Inatsisissatut siunnersuutip nalinginnaasumik nassuiaatitaasa atuaqqissaarnerani oqaaseq "minittoorneqarsimasoq" Inuussutissarsiornermut Ataatsimiititaliap paasivaa. Inatsimmi § 10-mut nassuiaatinut atatillugu, (qallunaatuani qupp. 14-imi ) imm. 2 imatut oqaasertalerneqarsimavoq:

*"Bestemmelsen forventes anvendt til at udskille adminøtte i henhold til § 5, stk. 1, til et administrationsselskab." (udvalgets fremhævning)*

Kalaallisuuata atuarnerani ataatsimiititaliap paasivaa, tamanna imatut isumaqartoq:

*”Tapiissuteqarnissamik § 5, imm. 1 malillugu neriorsuinerup avissaartinneqarnissaannut allaffissortumut ataatsimiittunngortillugu aalajangersakkap atorneqarnissaa naatsorsuutigineqarpoq .”*

#### **4. Ataatsimiititaliap isumaliutersuutai**

Nunami inuussutissarsiutinik inerisaanernut siunnersuisarnermullu sinaakkusiussat nukittorsaavigineqarlutillu nutarteriffigineqarnissaat Inuussutissarsiornermut Ataatsimiititaliap pingaaruteqartutut isigai. Nunami inuussutissarsiutit siunissami inuussutissarsiornernup iluani siuarsaataanissaat, kissaatiginartinneqaralarpoq. Taamaattumik ataatsimiititaliaq isumaqarpoq inuussutissarsiornikkut siuarsaanissamut maannakkut pilersaarusiortoqartariaqartoq, ullumikkumut naleqquttumik taamatullu ineriartortitsiniarnermut siuarsaataasinnaasumik.

Inuussutissarsiornermik siursaaneq pillugu inatsit 2001-imeersuuvoq. Paasinarpoq nunami inuussutissarsiorninnut piunasaqaatinut sinaakkusiussat nutarternissaannut allatut eqqarsarnissaq pisariaqalersimasoq. Ataatsimiititaliap maluginiarpaq, inatsisissatut siunnersuut manna inuussutissarsiutinik ineriartortitsinissaq pillugu pilersaarutip nutaap 2011-ip ukiaani atuutilersinneqartup ilassarigaa, ukioq 2012-imut Aningaasanut Inatsimmi, konto pingaarnermi 64.10.17-imi pilersinneqartoq.

Inuussutissarsiornikkut uummaarissumik ineriartortitsisoqassappat tapiissutaasartunik sukkasuumik naleqqussaannissamut periarfissaqartariaqarpoq. Sulliviit immikkut ittut salliutinneqartarnissaannut aammalu siunertanut aalajangersimasunut aningaasaliissuteqartarnissat siunnersuutikkut periarfissinneqassallutik, tamannalu ataatsimiititaliap atorluarneqarsinnaasoraa.

Aammattaq Inuussutissarsiornermut Ataatsimiititaliaq isumaqarpoq, inuussutissarsiutinik siuarsaanissamut aaqqissuussami suliffeqarfinnut tunngavissat nutarterneqarneri Visit Greenland A/S, Greenland Business A/S, Greenland Venture A/S aamma Rambøll A/S kiisalu Naalakkersuisoqarfiit kommunillu sisamaasut suleqatigalugit aaqqissuunneqarnissaat soqutigintuusoq. Ataatsimiititaliaq isumaqarpoq, inuussutissarsiornermik siursaaneermi suliniutigineqartunut aalajangersimasunut assigiinngitsunut siunnersortinik assigiinngitsunik atuisarneq qularnanngitsumik, aalajangersimasumik ingerlatsisoqarneranut atatillugu iluaqutissartaqassasoq.

**4. 1 Naggasiutitut oqaaseqaatigineqartut**

Inuussutissarsiornermik siuarsaanissamut suliffeqarfinnik nunatsinneersunik, aatsitassarsiorturnut – suliffeqarfissuarnillu sullissisoorusuttunut Rambøll A/S-ip siunnersuisussatut toqqarneqarsimanera, Inuit Ataqatigiit aamma Siumup oqaaseqartartuinit siunnersuutip matuma siullermeerneqarnerani tupigineqartoq, Inuussutissarsiornermut Ataatsimiititaliap maluginiarpaa.

Siunnersuutip matuma aappassaaneerneqarnissaanut Rambøll A/S-ip siunnersuisussatut toqqarneqarsimaneranut tunngavilersuutigineqartut naatsumik Naalackersuisut akissuteqaamminni nassuiaateqaqqullugit Inuussutissarsiornermut Ataatsimiititaliap qinnuigissavai.



**5. Siunnersuutip aningaasatigut kingunerisassai**


Siunnersuutip nalinginnaasumik nassuiaatitaani oqaatigineqarpoq, siunnersuut akuerineqassagalarpat tamanna aningaasanut inatsimmi kontop pineqartup iluani allassimasuniit aningaasatigut allanik malitseqarnavianngitsoq. Tamanna tunngavigalugu ataatsimiititaliaq isumaqarpoq, allaanerusumik nalilersuisoqarnissaanut pissutissaqanngitsoq,

**6. Ataatsimiititaliap inassuteqaataa**

Ataatsimiititaliap isumaqatigiittup siunnersuutip akuerineqarnissaa inassuteqaatigaa

Taamatut oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaaniigassanngortippaa.

  
\_\_\_\_\_  
  
\_\_\_\_\_  
, Siulittaasoq

  
\_\_\_\_\_

  
\_\_\_\_\_

  
\_\_\_\_\_

  
\_\_\_\_\_

  
\_\_\_\_\_



**Imm. 8 pillugu apeqquteqaatinut akissuteqaatit, , Uunga siunnersuut: Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. xx, xx.xx 2012-imeersoq.**

09-11-2012  
Sags nr. 2012-069660  
Dok. nr. 1062516

*A) Nunami inuussutissarsiutit pillugit inatsisissatut siunnersuummi taplissuteqarnissamut periarfissat pillugit imaappoq; suliffeqarfiit namminersortunit pigineqarnerusut imaluunniit pisortanit amerlanerpaamik 49 %-it angullugit pigineqataaffigineqartut kisimik tapiiffigineqarnissamik qinnuteqarsinnaapput. Takornariartitsinermi suliniutit imminnut akilersinnaalernissallutik ineriartornissaminnut ilimanaateqaraluartut immaqaluunniit siunissaq eqqarsaatigalugu namminersorlutik suliniuteqarlutik tamakkiisumik ineriartorsinnaagaluartut tamatuma qanoq akimmisaartissinnaaneri Naalakkersuisut naatsorsuutigaa?*

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

Takornariartitsinermi suliniutit tamatuma akimmisaartinneqarnissaat Naalakkersuisut naatsorsuutigingilaat.

Tamatuma takornariaqarnermik plersinniakkanik kigaallassaanissaa Naalakkersuisut naatsorsuutigingilaat. Paarlattuanik namminersuutigisatut pilersinniakkanik annertunerusumik aningaasat tapersersuutaanissaat naatsorsuutigineqarpoq.

*B) Kommunit takornariaqarnermut ingerlatseqatigiiffiutaasa nunami inuussutissarsiutinut siuarsaanissamut aningaasaliissutissatut immikkoortinneqarsimasunik qinnuteqarsinnaajunnaarsinneqarnerannut suut tungaviuppat aammalu tamatuma kingunerisaanik qanoq kinguneqartussatut naatsorsuutigineqarpa?*

Nunami ittutut inuussutissarsiutit siuarsaaviginissaannut inuussutissarsiutinut tapiissutit aningaasaliissutit tunniunneqartartut inatsisissatut siunnersuutip naleqqussarlugit iluarsaavigai. Inuiaqatigiinni siuarsaanermik pilersitsiniarluni inuussutissarsiutinut tapiissutit tunniunneqartarput, aammalu namminersuutigalugu inuussutissarsiutini iliutsinik nukittorsaaniarluni. Kommunini takornariartitsinermik ingerlatseqatigiiffiit kommunit pineqartut sullissinissamik isumaqatigiissuteqarfiginerisigut aningaasaliiffigineqarput. Iliuserisamik pingaarnersiuiinermik, taamaalillunilu sullissinissamik isumaqatigiissutaasut angissusaanik kommunit ataasiakkaat isumaginnittuusarput. Kommunini ineriartortitsinermut ingerlatseqatigiiffiit pinnagit suliffinnut namminersortuusunut inuussutissarsiutinut tapiissutit tunniunneqartarnissaat Naalakkersuisut kissaatigaa. Kommuninissaaq assigilaartumik aaqqissuussisoqarsimangilaq, taamaalilluni maannakkorpiaq taamaallaat kommunini marlunni takornariaqarnermut ingerlatseqatigiiffeqarpoq.

*C) Nunatta nunanit allanit ilisimaneqarnerulernissaanut suliniutit Visit Greenlandimiikkunnaarsimasut ataatsimiititaliamit maluginiarneqarpoq. Taama iliuuseqarneq nunatta nunanit allanit ilisimaneqarnerulernissaanut iliutsinut aammalu*



*sulinermut GTE-mi aallartisarneqarsimasumut assut sanngillisaataasinnaasutut ataatsimiititaliamit isigineqarpoq. Sullassaqarfiup taassuma Naalakkersuisoqarfimmut nuunneqarnissaa sooq Naalakkersuisunit toqqarneqarsimanersoq aammalu suliniarnerup siunissami immikkuualuttunut aggulunneqarnerullunilu siammartinneqarnissaa aarleqqutigineqarsinnaanersoq paasisstussiisutigineqassasoq ataatsimiititaliamit kissaatigineqarpoq. Nunatta nunanit allanit ilisimaneqarnerulernissaanik suliniarnerup suli ukiuni arlalinni Visit Greenlandip ataani ingerlanneqarnissaa aammalu suliniarnerup allanngortinneqarnissaa pillugu aalajangiisoqannginnerani sulinerup taassuma inaarlugu ingerlanneqarnissaata qulakkeerneqarnissaa siunertaasoq ataatsimiititaliaq isumaqaralarpoq.*

Inuussutissarsiornerup siuarsarnissaanut periusissap nutaap akuersisutigineqarneranut atatillugu Kalaallit Nunaanni Takornariaqarnermut Inuussutissarsiornermullu Siunnersuisoqatigiit (GTE) Visit Greenlandimut allanngortissasoq aalajangiunneqarpoq, ingerlatseqatigiiffiullu takornariaqarnerup inerisarnissaanut iliuuseqarnissaa inissillugu. Tassunga ingerlatseqatigiiffiup suliassaarfia naleqqussarneqartuarsimavoq. Ilisimaneqarnerulersitsinissaq Visit Greenlandimi sullissinissamik isumaqatigiisummut ilaanngilaq. Ilisimaneqarnerulersitsinissamik sulliat takornariaqarnermik misigisaqartitsiniarnermillu inuussutissarsiuutit avataanniipput, taamaattumillu Visit Greenlandip suliassaasa avataanniillutik. Taamaattumik ilisimaneqarnerulersitsinissaq Inuussutissarsiornermut Suliffeqarnermullu Naalakkersuisoqarfimmut uterteqqinneqarpoq. Siunissami ilisimaneqarnerulersitsinissamut tunngasunik, sullissinissamik isumaqatigiisummi suliassarifat iluaniittunik Visit Greenland suli suliarsinnaasassaaq. Ilisimaneqarnerulersitsinissaq GTE-mut nuunneqarpoq ingerlatseqatigiiffik inuussutissarsiorfeqarfiit tamaasa iluini suliassanik isumaginnittarmat. Maannakkut taamaattoqarunnaarpoq, ingerlatseqatigiiffimmi takornariaqarnermik sullassat kisiisa isumaginiassammagit. Takornariartitsinermi taama siuarsaanissaq pisariaqarpoq, ukiuni siuliini GTE-mut iluatsitsiffiusimangimmat. Avammut tunisinermit isertitat misissoraanni takornariartitsinermik sammisaqarnermi piviusumik siuariartoqarsimangilaq. Tamanna GTE-p Visit Greenlandingortillugu allanngortinneranut tunngaviuvoq, taamaalilluni nunami namminermit takornariaqarnermut periutsumut nutaamut naapertuuttumik aallussineqalertussaammat. Takornariaqarnermut tunngasunik ilisimaneqarnerulersitsinissamut aningaasaliissutinut tunngasunik Visit Greenland pissarsisassaaq, taamaalillunilu manna tikillugu ajornerusumik inissisimassanani. Taamaattorli takornariaqarnermut tunngasuunngitsunik ilisimaneqarnerulersitsinissamik Visit Greenland isumaginnissanngilaq, GTE-mimi iliuuserisami aallussisimannginneq taanna takornariaqarfiusukku iluatsittoqarfiusussap amigaataaneranut peqataaqataanera naliliiffigineqarmat.

*D) Inuussutissarsiornermut suliniutinut EU-mit tapiissutit aningaasaliissutit pillugit paasisitsiniaaneq, ataatsimiititaliap paasinninnera malillugu, Greenland Businessip ataani ingerlanneqarpoq. Suliassarli taanna inummit ataasiinnarmat ingerlanneqarpoq. Taamatut ilusiliisimaneq mianernartutut inummullu ataatsimut qilersugaavallaartutut isumaqarfiginarpoq, taannalu tassanngaannaq atorfirmiit soraarniuteqariasaassagaluarpat ilisimasat maangaannarnissaat aarleqqutigineqarsinnaavoq. Siunnersuinermit ingerlatsinermit tassunga Greenland Businessimut aningaasanik amerlanerusunik tunniussinissaq Naalakkersuisut isumaliutigisaannut ilaava?*

Inuussutissarsiornermut suliniutinut EU-mit tapiissutit pillugit qaammarsaaniarluni iliuuserisat sammisatut pingaaruteqartut Naalakkersuisunit isigineqarnerat

qularutigineqassanngilaq. 2012-imut naleqqiullugu inuussutissarsiorfinni siunnersuinermit aningaasaliissutaasut AIS 13-imi amerleriarinneqarput. Tamatuma Kalaallit Nunaanni inuussutissarsiorfinni siunnersuisarnerup pingaartuutarineranut Naalakkersuisut piumassuseqarnerannik tapersersuivoq, taamaattumillu 2013-imi Greenland Business A/S-imut aningaasaliissutit suli amerlanerit agguataarinermi tunniunneqassapput. Ingerlatseqatigiiffiup EU-mit tapiissutit pillugit ilisimatitsiniarluni iliuuserisanik isumaginnittussamik sulisussanik amerlanerik atorfinitsitsinissaminut immikkut aningaasaliissutaasunik atugaqarnissamik aalajangiussinissaa, imaluunniit ingerlatseqatigiiffiup sammisaqarfinnik allanik pingaarnersiugaqarnissamik kissaateqarnera tassaassapput Greenland Business A/S-ip iluani aalajangiussassat. Taamaattorli inuussutissarsiornermit suliniutinut EU-mit tapiissutit pillugit ilisimatitsiniarluni iliuuserisat salliutinneqarnissaannut sinaakktissanik Naalakkersuisut pilersitsisimapput, 2013-imi inuussutissarsiorfinni siunnersuisarnernut tapiissutaasut amerlisarnissaannik siunnersuutitut ilusillimmik.

Inussiarnersumik inuulluaqqusillunga,



Ove Karl Berthelsen